



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

-- հունիսի 2026 թվականի № ---Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ
ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2024 ԹՎԱԿԱՆԻ ՀՈՒՆԻՍԻ 10-Ի №233-Ա
ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ԵՎ ԵՐԱՇԽԻՔՈՎ ՍԱՀՄԱՆՎԱԾ
ԳՈՒՄԱՐԻ ԿԵՍԸ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԲՅՈՒՋԵ
ՓՈԽԱՆՑԵԼՈՒ ՄԱՍԻՆ**

Հիմք ընդունելով «Էներգետիկայի մասին» օրենքի 30-րդ հոդվածի 1-ին մասը, «Նորմատիվ իրավական ակտերի մասին» օրենքի 1-ին հոդվածի 2-րդ մասը, 33-րդ և 34-րդ հոդվածները, «Հանրային ծառայությունները կարգավորող մարմնի մասին» օրենքի 19-րդ հոդվածի 2-րդ մասը, Հայաստանի Հանրապետության հանրային ծառայությունները կարգավորող հանձնաժողովի 2013 թվականի նոյեմբերի 1-ի №374-Ն որոշմամբ հաստատված՝ էներգետիկայի բնագավառում գործունեության լիցենզավորման կարգը, այդ թվում՝ կարգի 78-րդ կետը, №3 հավելվածի՝ երաշխիքների ներկայացման և պետական բյուջե փոխանցման կարգի 7-րդ կետի 1-ին ենթակետը և հաշվի առնելով «ԷՆԵՐՋԻ ԷՅ ԷՄ» սահմանափակ պատասխանատվությամբ ընկերության 2026 թվականի հունիսի 4-ի գրությունը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. 22 ամիս ժամկետով երկարաձգել Հայաստանի Հանրապետության հանրային ծառայությունները կարգավորող հանձնաժողովի 2024 թվականի հուլիսի 10-ի «ՍԱՆ ՓԱՈՒԵՐ» սահմանափակ պատասխանատվությամբ ընկերությանը «Սան Փաուեր» արևային էլեկտրակայանում էլեկտրական էներգիայի (հզորության) արտադրության լիցենզիա տրամադրելու մասին» №233-Ա որոշմամբ «ՍԱՆ ՓԱՈՒԵՐ» սահմանափակ պատասխանատվությամբ ընկերությանը տրամադրված և 2026 թվականի մարտի 20-ի ««ՍԱՆ ՓԱՈՒԵՐ» սահմանափակ պատասխանատվությամբ ընկերությանը տրամադրված էլեկտրական էներգիայի (հզորության) արտադրության ԼԷ №0788 լիցենզիան վերաձևակերպելու մասին» №65-Ա որոշմամբ «ԷՆԵՐՋԻ ԷՅ ԷՄ» սահմանափակ պատասխանատվությամբ ընկերության անվամբ վերաձևակերպված՝ էլեկտրական էներգիայի (հզորության) արտադրության ԼԷ№0788 լիցենզիայով ամրագրված «Սան

Փաուեր» արևային էլեկտրակայանի կառուցման ժամանակահատվածը՝ ճշգրտելով նաև արտադրության ժամանակահատվածը՝ որոշման մեջ և որոշման 2-րդ կետով հաստատված հավելվածում «մինչև 2026 թվականի հուլիսի 11-ը» բառերը փոխարինելով «մինչև 2028 թվականի մայիսի 11-ը» բառերով, իսկ «մինչև 2046 թվականի հուլիսի 11-ը» բառերը՝ «մինչև 2048 թվականի մայիսի 11-ը» բառերով:

2. «ԷՆԵՐՋԻ ԷՅ ԷՄ» սահմանափակ պատասխանատվությամբ ընկերությանը՝ ԼԷՆ⁰0788 լիցենզիայի պայմանները չկատարելու պատճառով «Սան Փաուեր» արևային էլեկտրակայանի կառուցման ժամանակահատվածը երկարաձգելու համար, սույն որոշումն ուժի մեջ մտնելու պահից՝

1) մեկամսյա ժամկետում «ԱՄԵՐԻԱԲԱՆԿ» փակ բաժնետիրական ընկերության 2024 թվականի հունիսի 21-ի O.AB.100.12CIB.PIED.0.11252.24 գրությամբ «ՍԱՆ ՓԱՈՒԵՐ» սահմանափակ պատասխանատվությամբ ընկերությանը տրամադրված և 2026 թվականի ապրիլի 9-ի O.AB.100.12CIB.PIED.0.10907.26 գրությամբ «ԷՆԵՐՋԻ ԷՅ ԷՄ» սահմանափակ պատասխանատվությամբ ընկերության անվամբ փոփոխված բանկային երաշխիքի համաձայն երաշխավորված 25 000 000 (քսանհինգ միլիոն) դրամ գումարից 12 375 000 (տասներկու միլիոն երեք հարյուր յոթանասունհինգ հազար) դրամը 900005028130 հաշվեհամարով փոխանցել Հայաստանի Հանրապետության պետական բյուջե:

2) քառասունհինգօրյա ժամկետում Հայաստանի Հանրապետության հանրային ծառայությունները կարգավորող հանձնաժողով ներկայացնել 24 750 000 (քսանչորս միլիոն յոթ հարյուր հիսուն հազար) դրամ գումարի երաշխիք՝ առնվազն մինչև 2028 թվականի հունիսի 25-ը գործողության ժամկետով:

3. Սույն որոշումն ուժի մեջ մտնելու պահից երկամսյա ժամկետում կարող է բողոքարկվել Հայաստանի Հանրապետության հանրային ծառայությունները կարգավորող հանձնաժողով կամ Հայաստանի Հանրապետության վարչական դատարան, և դրա բողոքարկումը չի կասեցնում որոշման գործողությունը կամ կատարումը:

4. Սույն որոշումը սահմանված ժամկետում կամովին չկատարվելու դեպքում ենթակա է հարկադիր կատարման «Կատարողական վարույթի մասին» օրենքով սահմանված կարգով:

5. Սույն որոշումն ուժի մեջ է մտնում 2026 թվականի հունիսի 25-ից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Մ. ՄԵՍՐՈՊՅԱՆ